



Broj: 01-GV-02-1247-1/19
Datum, 27.11.2019. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na 33. sjednici Gradskog vijeća Grada Sarajeva, održanoj 27.11.2019. godine, **gradski vijećnik Miro Lazović** uputio je **inicijativu** u ime Košarkaškog kluba „MV-basket-2000“ Sarajevo, da Gradska uprava pomogne, u skladu sa svojim finansijskim mogućnostima, finansiranje Košarkaške lige osnovnih škola grada Sarajeva. U prilogu inicijative se dostavlja Projekat Košarkaškog kluba „MV-basket-2000“ Sarajevo.

PREDSJEDAVALJUĆI GRADSKOG VIJEĆA

Dr. Igor Gavrić, s.r.

Dostaviti:

- Gradonačelniku,
- Evidenciji,
- a/a.



KOŠARKAŠKI KLUB "MV – BASKET - 2000"

SARAJEVO

Bosna i Hercegovina-Federacija Bosne i Hercegov.

Kanton Sarajevo - GRAD SARAJEVO

GRADSKO VIJEĆE

PRIMLJENO: 27. 11. 2019			
Org. jed.	Broj	Prilog	Vrijednost
01-CV-02-1247			19

**KOŠARKAŠKA LIGA OSNOVNIH ŠKOLA
GRADA SARAJEVA**



Sarajevo, januar 2018/2019. godine



UVOD

Razvoj sporta u širem smislu i kvantitativnom pogledu dostigao je danas respektabilnu visinu zahvaljujući svojim neposrednim uticajima na čovjeka u zdravstvenom, odgojnom, socijalnom i moralnom pogledu. Naglom napretku i usponu sporta mnogo je pridonio razvoj nauke, osobito medicine, pedagogije, psihologije, tehnike, teorije i prakse fizičkog odgoja koje su ukazale na značenje i ulogu sporta i općenito fizičkog odgoja za čovjeka. Način života i rada savremenog čovjeka nužno traži odmor, razonodu i rekreaciju što se izvrsno postiže putem sporta i tjelesnog vježbanja.

Detekcijom evidentne socijalne problematike na ovim prostorima gdje su prisutne i ostale društvene devijacije kao što su nasilništvo, prostitucija, alkoholizam i narkomanija, "MV-basket" je odlučio ponuditi ovaj projekat košarkaške edukacije i socijalizacije uzrastu djevojčica i dječaka na prelasku iz perioda adolescencije ka odrastanju i sazrijevanju u zdravog i normalnog člana naše zajednice.

Izradom ovog projekta "MV-basket" ujedno želi pridonijeti što većoj popularizaciji košarkaškog sporta u ovom uzrastu i uopšte, a što znači da bi košarka u narednom periodu dobila veliki broj svojih poklonika kroz aktivne takmičare, sudije, zapisničare, navijače, sportske novinare, aktivne članove uprava sportskih klubova, rekreativce i mnoge druge koji bi u košarku investirali svoje slobodno vrijeme i izbjegli gore navedenu problematiku.

Ideju o realizaciji projekta košarkaške lige Grada Sarajeva vjerujemo da će podržati svi relevantni društveni faktori kao i košarkaški klubovi i škole košarke koje djeluju na prostorima Grada Sarajeva, a koji imaju iste ili slične načine košarkaške edukacije mladih.

Pokušavajući involvirati što veći broj djevojčica i dječaka u ovaj projekat, škole učesnice košarkaške lige Grada Sarajeva u obavezi su imati novinarsko-informativnu, foto, muzičku, plesnu i folklornu sekciju.

Da nebi bili uskraćeni za mogućnost prezentiranja svoga znanja u svim navedenim oblastima, u projektu smo predvidjeli učešće u gradskoj ligi djevojčica i dječaka iz općina Ilidža i Vogošća što bi doprinjelo zdravijoj i većoj konkurenciji.

Članovi košarkaškog kluba
"MV-basket"

Košarkaška liga osnovnih škola ima za cilj da pruži jednu zanimljivu dimenziju svim školama u Gradu Sarajevu da svoje vannastavne sportske aktivnosti usmjere u jednom sveobuhvatnom pravcu, izuzetno zanimljivom za sve učenike i društvenu zajednicu kojoj pripadaju. Pored takmičenja u košarci između osnovnih škola u Sarajevu košarkaška liga pruža mogućnosti prezentiranja i osobnog dokazivanja pojedinaca i grupa koje nastupaju u navedenim školskim sekcijama.

CILJEVI I ZADACI PROJEKTA KOŠARKAŠKE LIGE OSNOVNIH ŠKOLA GRADA SARAJEVA

Kako bi obrazložili ciljeve i zadatke projekta Košarkaške lige osnovnih škola grada, naše ciljeve i zadatke smo usmjerili na osnovne ciljeve i zadatke nastave tjelesnog i zdravstvenog odgoja u osnovnim školama i školskog sporta općenito koji se pored redovne nastave predmeta realizuje kroz program vannastavnih aktivnosti.

Cilj sportskog odgoja, kao integralnog dijela općeg odgoja, ogleda se u davanju značajnog doprinosa u planskoj, svrsihodnoj i organizovanoj pedagoškoj djelatnosti kroz sport u formiranju zadovoljnog i sretnog čovjeka, humaniste i realiste, slobodne, svestrano razvijene, kulturne i samosvjesne ličnosti, koja će biti u funkciji stvaranja bogatog i humanog društva, ravnopravnih i prijateljskih međuljudskih odnosa, a posebno u konkretnoj aktivnosti koja podrazumijeva:

- Harmoničan razvoj oblika i funkcije tijela
- Dobro zdravlje
- Optimalan razvoj motoričkih kvaliteta
- Razvoj i stabilnost pozitivnih osobina volje i karaktera
- Formiranje moralnog čovjeka kao člana društva

S obzirom da je zdravlje osnova svih ljudskih djelatnosti, stoga zaštita i unapređenje zdravlja znatno prelazi okvire klasične zdravstvene službe, čemu doprinosi sport i tjelesni i zdravstveni odgoj. Planski i kontinuirano aplicirana tjelesna aktivnost određenog intenziteta i obima kroz školski sport nezamjenjivo djeluje kako u fazi rasta i razvoja tako i u sprečavanju narušavanja biološko – funkcionalnog i zdravstvenog stanja organizma, podrazumijeva i druge prateće sadržaje koji će biti realizovani kroz aktivnosti tokom takmičenja. To su prateći sadržaji predstavljanja školskih folklornih sekcija, plesnih sekcija, foto sekcija, informatičkih sekcija, novinskih sekcija i muzičkih sekcija. Cilj je da košarkaška liga osnovnih škola na taj način predstavi rad i drugih sekcija škole kroz njihove vannastavne aktivnosti. Zadaci školskog sporta i košarkaške lige osnovnih škola koju želimo pokrenuti obuhvataju: fizički razvoj, motorički razvoj, kognitivni razvoj, emocionalni razvoj i socijalni razvoj učenika.

Funkcija sporta u nastavi tjelesnog i zdravstvenog odgoja i vannastavnim sportskim aktivnostima kroz školski sport je utemeljena na koncepciji humanizacije etičkih principa i međuljudskih odnosa, te humanijem pristupu ličnosti. Podmirenjem individualnih potreba pojedinca za tjelesnom aktivnošću kroz sport, u pravilu se podmiruju i potrebe društva u cjelini. Naime, osnovna orijentacija odgojno-obrazovnih postupaka kroz sport općenito jest promjena različitih karakteristika psihosomatskog statusa, a posebno morfoloških, funkcionalnih i motoričkih sposobnosti i osobina, te kognitivnih i konativnih funkcija koje sudjeluju u motoričkom izražavanju.

S obzirom da je cilj zdravstvenog odgojno - obrazovnog područja školskog sporta da se adekvatnim sportskim aktivnostima zadovolje bio-psiho-socijalne potrebe učenika za kretanjem, a time i da se zadovolje opće potrebe, uvećavajući adaptivne i stvaralačke sposobnosti u savremenim uslovima života i rada, košarkaška liga učenika osnovnih škola Grada Sarajeva bi pružila svim učenicima mogućnost da učestvuju u skladu sa svojim potrebama i mogućnostima. Pored toga, cilj je pružiti bazične informacije o značaju sporta za zdravlje i radne sposobnosti neophodne za humani

način života savremenog čovjeka. Prema tome, odgojno – obrazovno područje školskog sporta upotpunjuje druge aspekte odgoja i obrazovanja prirodnim faktorima u razvoju čovjekove ličnosti. U sklopu svih aspekata odgoja i obrazovanja program tjelesnog i zdravstvenog odgoja i školskog sporta kao sadržaja vannastavnih aktivnosti učenika ima karakter osnovnog, jer su zdravlje i pravilan tjelesni razvoj preduslov intelektualnog, moralnog, estetskog i radnog odgoja.

Bio-psiho-socijalne potrebe učenika za kretanjem se zadovoljavaju kroz spektar bioloških, odgojnih i obrazovnih zadataka koji se mogu ispuniti kroz školski sport i planirane sadržaje Košarkaške lige osnovnih škola.

Biološki zadaci školskog sporta:

Sa stajališta bioloških potreba čovjeka, zadatak tjelesnog vježbanja je pozitivno djelovati na rast i razvoj organizma i funkcionalnih sposobnosti organskih sistema. Sa zdravstvenog i higijenskog stajališta, tjelesno vježbanje jača organizam i učvršćuje zdravlje, utiče na pravilno držanje tijela i razvija higijenske navike. Razvijanje higijenskih navika uglavnom se odnosi na pravilno oblačenje i prehranu, održavanje čistoće tijela i odjeće, uredan život, pravilno usklađivanje rada i odmora, apstinenciju od alkohola i nikotina te korisno i zdravo provođenje slobodnog vremena. Pored toga, kontinuirano tjelesno vježbanje doprinosi i razvoju zdravlja, vitalnosti, izdržljivosti, okretnosti i radnoj kondiciji organizma.

Odgojni zadaci školskog sporta:

Tjelesno vježbanje doprinosi razvijanju i učvršćivanju normalnih konativnih faktora i pridonosi redukciji patološko-konativnih faktora ponašanja učenika. Pri tjelesnom vježbanju velika je mogućnost da se razviju pozitivna moralna svojstva: odlučnost, smjelost, prisebnost, upornost, istrajnost, discipliniranost, inicijativnost, iskrenost, skromnost, životni optimizam, poštenje, kulturno ponašanje, patriotizam, humanizam i pravilan odnos prema društvenoj sredini. Da bi se formirale takve pozitivne osobine, nužno je pravilno pedagoško usmjeravanje i rukovođenje tjelesnim vježbanjem kroz školski sport. Ako izostane pedagoški rad, mogu se razviti negativna svojstva: sebičnost, svadljivost, popustljivost, nemarnost, častohlepnost, licemjerstvo, kukavičluk, pesimizam. Formiranje spomenutih pozitivnih svojstava značajno je pedagoško obilježje tjelesnog vježbanja.

Obrazovni zadaci školskog sporta:

Obzirom na značaj obrazovanja u sticanju znanja, vještina i navika, stvaranju pravilnog pogleda na svijet i razvijanju sposobnosti, obrazovni zadaci tjelesnog vježbanja su višestruko značajni. Tjelesno vježbanje ima zadatak da utiče na optimalan razvoj motoričkih sposobnosti, na razvoj specifičnih motoričkih sposobnosti i na sticanje adekvatna znanja za rješavanje svakodnevnih radnih zadataka, a posebno onih koji se najčešće praktično primjenjuju u životu i u radu. Jedan od zadataka školskog sporta je sticanje elementarnih informacija iz teorije osnova tjelesne i zdravstvene kulture.

U skladu sa navedenim biološkim, obrazovnim i odgojnim zadacima koji ne mogu da se ispune samo redovnom nastavom tjelesnog i zdravstvenog odgoja u školama, a koji se trebaju i mogu ispuniti vannastavnim sportskim aktivnostima u školi, organizacija Košarkaške lige osnovnih škola Grada velikim dijelom može da odgovori, doprinese i omogući svim osnovnim školama u ostvarivanju školskim planom i programom zadatih zadataka i naravno ostvarenju osnovnog cilja školskog sporta u zadovoljenju bio-psiho-socijalne potrebe za kretanjem koja suštinski predstavlja temeljni kamen bio-psiho-socijalnog razvoja i formiranja zdravog mladog čovjeka.

Naš osnovni cilj je da projekt Košarkaške lige osnovnih škola, kroz sve svoje predviđene aktivnosti, postane naš zajednički projekt kao važan segment svih naših škola, vrijednih nastavnika,

djece i njihovih roditelja. Samo zajedničkim i koordiniranim radom možemo da omogućimo našoj djeci sretno djetinjstvo i normalan razvoj, jer upravo pružajući im jednu društveno zdravu i prirodnu aktivnost sa jednim toplim pristupom i otvorenog srca, možemo se efikasnije suprostaviti svim oblicima devijatnog ponašanja koji su svakodnevna prijetnja našem društvu danas. Upravo ono što mi našoj djeci pružamo danas naša će djeca nama dati sutra. Projekt košarkaškog kluba "MV-Basket 2000" zajedno sa vama želi da čuva, njeguje i vrati tradicionalne vrijednosti bh. društva i sporta.

"MV - basket"



**KOŠARKAŠKA LIGA OSNOVNIH ŠKOLA
GRADA SARAJEVA**

OSNOVNI PODACI NOSIOCA PROJEKTA

NAZIV ORGANIZACIJE	Udruženje Košarkaški klub "MV-basket"
SJEDIŠTE	71000 Sarajevo, Husrefa Redžića 15
TELEFON/FAX	033 202 706 061 203 394
ŽIRO RAČUN	3389002207144703
IDENTIFIKACIONI BROJ	4200886300003
KLUB ZASTUPA PREDSJEDNIK	Vječislav Tolj
REFERENCE KLUBA	Klub je počeo sa radom 1999. godine kao škola košarke. Vremenom je to preraslo u superviziju tako što djelujemo na nivou Federacije i u saradnji sa košarkaškim trenerima i nastavnicima koji djeluju u školama osnovnog obrazovanja pratimo rad i razvoj talentiranih košarkaša. Organiziramo završne turnire kantonalnih pobjednika gdje se i okuplja najveći broj talenata. Od saradnje sa evropskim ekipama ističemo sportsko prijateljstvo sa "REAL" Madrid.

PROJEKT KOŠARKAŠKE LIGE

<p>NAZIV PROJEKTA</p>	<p>Košarkaška liga osnovnih škola Federacije BiH</p>
<p>SVRHA PROJEKTA</p>	<p>Osim osnovnog cilja, socijalizacije i sportske edukacije, stvaranje normalne, civilizovane komunikacije prema zajednici koja je u okružju. Promocijom zajedništva, humanosti i tolerancije gradimo mostove zajedništva, a zdravom konkurencijom kroz sportska nadmetanja demokratski pružamo mogućnost svakom učesniku projekta da iskaže svoje najveće humane mogućnosti.</p>
<p>CILJEVI PROJEKTA</p>	<p>Pad interesa najmlađih za jedan od najtrofejnijih sportova na ovim prostorima ponukao nas je da napravimo projekat koji će privući veliki broj učenika osnovnih škola Federacije BiH. Škole košarke i školske sekcije imaju svoju objektivnu vrijednost, međutim, potvrda trenažnog procesa može biti samo na zvaničnoj predstavi gdje insistiramo na prisutnosti gledalaca koji svojim odobravanjem nagrađuju uspješne poteze te dane i sate provedene u sportskoj dvorani. Da bi to postigli mislimo da je ovaj projekat idealan za buđenje natjecateljskog duha, zdravog sportskog rivalstva te drugih aktivnosti koje trebaju pridonijeti masovnosti, a to su:</p> <ul style="list-style-type: none"> - muzička sekcija, - informatička sekcija, - navijačka grupa, - foto sekcija, - novinska sekcija, - folklorna sekcija, - plesna grupa. <p>Škole, učesnice košarkaške lige u obavezi su da od predviđenih u takmičenju moraju biti zastupljene sa najmanje četiri sekcije.</p>

KAKO SE POSTAJE ČLAN LIGE

<p>UVODNA TAKMIČENJA</p>	<p>Kao što je već primijenjeno u praksi, općine svake godine organiziraju općinsko takmičenje osnovnih škola u košarci. Vjerujući da će se to desiti i ove godine, predlažemo da djecu nebi bespotrebno izlagali većem broju utakmica, da sa svake općine po dvije prvoplasirane ekipe budu učesnici košarkaške lige Grada Sarajeva. Ligu bez obzira na tabelarni plasman, nebi napuštala nijedna ekipa, ali bi svake naredne sezone pravo učešća u ligi obezbjeđivale ekipe kroz općinska takmičenja.</p>
<p>MEDIJSKA PRATNJA</p>	<p>Organizator lige je već preliminarno obavio razgovore sa medijima zainteresiranim za praćenje ovog takmičenja. Svoj pristanak za redovno praćenje i izvještavanje sa svih utakmica dala je novinska kuća "Oslobođenje", "5 PLUS" dječiji mjesečnik će u svakom svom izdanju redovno ispratiti događaje vezane za ligu sa eventualnim pojedinačnim intervjuima talentiranih učenika. Elektronski medij "RADIO M" je iskazao veliku zainteresiranost za košarkašku ligu pionira Grada i obavezao se da će elektronski pokriti i finalno takmičenje. Televizija "Hajat" je i ranije pratila takmičenja u organizaciji "MV-basket"-a, a i svim ostalim tiskanim i elektronskim medijima naša liga otvara vrata i nudi neposredno učešće.</p>
<p>NAGRADE</p>	<p>Nagradnim fondom za koji ćemo nastojati da bude što bogatiji želimo da motiviramo škole za što aktivnije učešće u takmičenju i ujedno da im pomognemo da se što kvalitetnije opreme za vannastavne aktivnosti. Nagrađeni će biti svi najbolje plasirani u sportskom dijelu takmičenja, kao i najbolje ocijenjeni u pratećim sadržajima gdje će odluke o plasmanu odrediti stručni žiri. Nagrade će obezbijediti organizator u saradnji sa sponzorima, institucijama koje budu participirale u ovoj manifestaciji i pojedincima.</p>
<p>FINALNO TAKMIČENJE</p>	<p>Finalno takmičenje bi se održalo u jednoj od velikih gradskih dvorana sa učešćem četiri prvoplasirane ekipe. Pobjednika bi dobili sistemom play-off-a, a u završnom turniru bi svoje najbolje predstave izvele sekcije škola po izboru stručnog žirija.</p>

<p>PROPOZICIJE TAKMIČENJA</p>	<p>Propozicije su u skladu sa pravilima FIBA-e, uz slijedeće korekcije: - treneri/nastavnici u svakoj četvrtini utakmice mogu koristiti po dva time - out-a, - izmjene igrača se mogu obavljati u svakom sudijskom prekidu igre. Kontrola propozicija i pravila igre kontroliše delegat utakmice u saradnji sa sudijama, predstavnicima klubova i zapisničkim stolom. Odgovarajuću dvoranu obezbjeđuje škola domaćin utakmice. Osiguranje svih potrebnih detalja u organizaciji utakmice rješavaju se na relaciji predstavnika škole domaćina, delegata utakmice i sudija.</p>
<p>KOMESAR TAKMIČENJA</p>	<p>Cjelokupnim projektom rukovodi komesar lige kojeg će odrediti nosilac projekta. Komesar lige u koordinaciji sa direktorom ili predstavnikom škole domaćina osiguravaju košarkašku prezentaciju i prateće sekcije za utakmicu.</p>
<p>SUĐENJE</p>	<p>Suđenje preuzima nosilac projekta koji u dogovoru sa kantonalnim košarkaškim savezom uz nadoknadu angažira mlade košarkaške sudije. Istim načinom se delegiraju i ostali učesnici koji treba da stručno opsluže utakmice. Zvanični zapisnik utakmice obezbjeđuje nosilac projekta u dogovoru sa košarkaškim savezom. Za vođenje statistike osposobljavaju se učenici škole domaćina.</p>
<p>OPREMA</p>	<p>Opremu za reprezentaciju škole i prateće sekcije obezbjeđuje škola u dogovoru sa općinom sa čije je teritorije. Obezbijedenje malog ručnog semafora i štoperice preuzima škola domaćin dotične utakmice.</p>
<p>OPĆINSKE OBAVEZE SA OPĆINSKIM TROŠKOVIMA</p>	<p>Općine preuzimaju obavezu materijalnih troškova dvije ekipe koji ih predstavljaju u ovom takmičenju. Troškovi su slijedeći:</p> <ul style="list-style-type: none"> - obezbijediti dnevni honorar za trenera / nastavnika ekipe - obezbijediti kombi prevoz za ekipu koja te sedmice igra kao gost - obezbijediti napitke za gostujući i domaći tim i prateće sekcije - vršiti isplatu sudija i ostalih zvaničnih lica na utakmici <p>“MV-basket” – u MV basketu za organizaciju i izradu projekta 2.000,00 KM Dva nastavnika 22 x 50,00 KM 2.200,00 KM Sudije i zapisnički sto 60,00 KM 1.320,00 KM U slučaju plasmana u finale nastavnicima pripada 300,00 KM Ako se škola dotične općine plasira u finale Play-off-a participacija za sportsku dvorane 500,00 KM</p> <p>UKUPNI OPĆINSKI TROŠKOVI: 6.320,00 KM</p> <p style="text-align: center;">Napomena: Troškovi kombi prevoza nisu uračunati.</p>

FINANSIJSKI PLAN TAKMIČENJA

1. Troškovi organizacije	12.000.00 KM
2. Dvorana sa obezbjeđenjem uz prisustvo zaštitara i medicinski nadzor i izrada 12 kom. banera	8.000.00 KM
3. Dnevnice za nastavnike/trenere a 22 utakmice	13.200.00 KM
4. Dnevnice nastavnika/trenera za finalni turnir /7 utakmica/	700.00 KM
5. Knjižice, akreditacije, propagandni materijal	5.000.00 KM
6. Sudije, službena lica, osiguranje učesnika	15.000.00 KM
7. Minibus usluge za prevoz učenika	13.200.00 KM
8. Nagrada za sportske pobjednike (3 dana hotel "Zenit" Neum) prevoz autobusom boravak u hotelu za 20 osoba x 40 km	2.200.00 KM 2.400.00 KM

UKUPNO:**71.700.00 KM**

Sarajevo, januar 2018/2019. godine.

Za MV-basket
Vječislav Tolj